

U B430 AAB

## SELATAN-SELATAN

(1)

KUALA LUMPUR, 3 JUN (BERNAMA) -- PERDANA MENTERI DATUK SERI DR MAHATHIR MOHAMAD AKAN MENGHANTAR SURAT PERIBADI KEPADA RAKAN-RAKAN SEJAWATANNYA DI 127 NEGARA DUNIA KETIGA, MEMINTA SOKONGAN MEREKA BAGI MENUBUHKAN SURUHANJAYA SELATAN YANG BERTUJUAN MERANGKA STRATEGI YANG PRAGMATIK MENGENAI ISU-ISU EKONOMI DAN PEMBANGUNAN.

SUMBER BERKATA SURAT TIGA HALAMAN ITU, YANG DIJANGKA SAMPAI KEPADA MEREKA SELEWAT-LEWATNYA MENJELANG Hujung MINGGU DEPAN, AKAN DISAMPAIKAN OLEH KETUA-KETUA MISSI MALAYSIA KEPADA MENTERI-MENTERI LUAR TEMPAT MEREKA BERTUGAS DAN KEMUDIAN DISAMPAIKAN KEPADA PEMIMPIN-PEMIMPIN NEGARA BERKENAAN.

DI NEGARA-NEGARA YANG MALAYSIA TIDAK MEMPUNYAI PERWAKILAN, SURAT-SURAT ITU AKAN DISAMPAIKAN OLEH KETUA-KETUA MISSI KEPADA RAKAN-RAKAN SEJAWATAN MEREKA, SAMA ADA DI LONDON, GENEVA, NEW YORK ATAU WASHINGTON.

MENTERI LUAR TENGKU AHMAD RITHAUDDEEN MENEMUI 28 KETUA MISSI NEGARA-NEGARA SELATAN DI WISMA PUTRA DI SINI HARI INI DAN MEMBERITAHU MEREKA MENGENAI SURUHANJAYA BEBAS SELATAN MENGENAI ISU-ISU PEMBANGUNAN.

DALAM APA YANG DISIFATKAN SEBAGAI PERINGKAT KEDUA KE ARAH PENUBUHAN SURUHANJAYA ITU, WISMA PUTRA HARI INI JUGA MENGARAHKAN SEMUA KETUA MISSINYA SUPAYA MENGAMBIL LANGKAH YANG SERUPA. -- LAGI.  
1439MST 03 06 86

D207

U B432 AAB

## SELATAN-SELATAN 2 KUALA LUMPUR

SURAT PERDANA MENTERI MERUPAKAN KEMUNCAK SEMUA USAHA INI, KATA TIMBALAN KETUA SETIAUSAHA WISMA PUTRA DATUK NOOR ADLAN YAHAYAUDDIN.

SURUHANJAYA ITU DICADANGKAN OLEH PERSIDANGAN KEMUNCAK KEDUA SELATAN-SELATAN YANG DIHADIRI OLEH PARA CENDEKIAWAN DAN NEGARAWAN DUNIA KETIGA DI SINI AWAL BULAN LEPAS. PERSIDANGAN ITU BERSETUJU MENUBUHKAN SEBUAH JAWATANKUASA PEMANDU BAGI MENKKAJI SYARAT-SYARAT DAN MENGENAL PASTI ANGGOTA-ANGGOTA SURUHANJAYA ITU.

DATUK SERI DR MAHATHIR MEMPENGERUSIKAN JAWATANKUASA PEMANDU YANG PERLU MENYELESAIKAN TUGASNYA SEBELUM PELANCARAN SURUHANJAYA ITU PADA PERSIDANGAN KEMUNCAK NEGARA-NEGARA BERKECUALI DI HARARE, ZIMBABAWE, PADA 1 SEPT.

TENGKU RITHAUDDEEN BERKATA APA YANG DIHARAPKAN IALAH NEGARA-NEGARA ITU AKAN MEMBERIKAN SAMBUTAN POSITIF DAN MEMBERIKAN SUMBANGAN KEWANGAN KEPADA SURUHANJAYA ITU.

+ JUMLAH YANG DISUMBANGKAN TIDAKLAH PENTING. YANG PENTING IALAH KEIKHLASAN MEREKA,+ KATA MENTERI LUAR. -- LAGI.

1522MST 03 06 86

D208

U B433 AAB

## SELATAN-SELATAN 3 KUALA LUMPUR

TENGKU RITHAUDDEEN MEMBERITAHU PARA PEMBERITA SUDAH KENA PADA MASANYA NEGARA-NEGARA MEMBANGUN BERTINDAK SECARA BERSEPADU DALAM MENGHADAPI CABARAN-CABARAN YANG BERDEPAN DENGAN MEREKA.

BELIAU MENAMAKAN ANTARA LAIN ISU-ISU DASAR PERLINDUNGAN, HUTANG DAN KEWANGAN SEBAGAI MASALAH YANG DIHADAPI OLEH NEGARA-NEGARA MEMBANGUN YANG JUGA TERJEJAS AKIBAT HARGA KOMODITI YANG RENDAH. -- BERNAMA.

1523MST 03 06 86